

Dhammacakkappavattana Sutta

Evam me sutam:

Ekam samayam Bhagava **Bārāṇasiyam viharati Isipatane Migadāye**. Tatra kho Bhagava **pancavaggiye bhikkhū** āmantesi—

1. Dve me', bhikkhave, antā pabbajitena **na sevitabbā**:

Katame dve:

i. Yo cāyam kāmesu **kāmasukhallikānuyogo**—hīno, gammo, pothujjaniko, anariyo.

anattasanhito

ii. Yo cāyam **attakilamathānuyogo**—dukkho, anariyo **anattasanhito**,

ete te, bhikkhave, ubho ante anupagamma **majjhimā paṭipadā** Tathāgatena abhisambuddhā cakkhukaraṇī, ñāṇakaraṇī, upasamāya, abhiññāya, sambodhāya, nibbānāya sanvaṭṭati.

2. Katama ca sā, bhikkhave, **majjhimā paṭipadā** Tathāgatena abhisambuddhā—cakkhukaraṇī ñāṇakaraṇī, upasamāya, abhiññāya, sambodhāya, nibbānāya sanvaṭṭati?

Ayam'eva **ariyo aṭṭhaṅgiko maggo**—seyyathidan:— Sammā diṭṭhi, sammā saṅkappo, sammā vācā, sammā kammanto, sammā ājīvo, sammā vāyāmo, sammā sati, sammā samādhi.

Ayan kho sā, bhikkhave, **majjhimā paṭipadā** Tathāgatena abhisambuddhā—cakkhukaraṇī, ñāṇakaraṇī, upasamāya, abhiññāya, sambodhāya, nibbānāya sanvaṭṭati.

3. Idan kho pana, bhikkhave, dukkhan ariya saccan:— Jāti'pi dukkhā, jarā'pi dukkhā, vyādhi'pi dukkho, maraṇam'pi dukkhan, appiyehi sampayogo dukkho, piyehi vippayogo dukkho, yamp'icchan na labhati tam'pi dukkhan, saṅkhittena pañcupadānakkhandhā dukkhā.

Idan kho pana, bhikkhave, **dukkha-samudayan ariya saccan:**— Yāyan taṇhā ponobhavikā nandirāgasahagatā tatrataṭṭarābhinandinī—seyyathidan:— kāmataṇhā, bhavataṇhā, vibhavataṇhā.

Idan kho pana, bhikkhave, **dukkhanirodhan ariya saccan:**— Yo tassā yeva taṇhāya asesa-virāga-nirodho, chāgo, paṇinissaggo, mutti, anālayo.

Idan kho pana, bhikkhave, **dukkhanirodhagāminī paṭipadā ariya saccan**:— Ayameva ariyo aṭṭhaṅgiko maggo—seyyathidan:—sammā diṭṭhi, sammā saṅkappo, sammā vācā, sammā kammanto, sammā ājīvo, sammā vāyāmo, sammā sati, sammā samādhi.

4. (i) **Idan dukkhan ariyasaccan'ti me**, bhikkhave, **pubbe ananussutesu dhammesu cakkhun udapādi, ñāṇan udapādi, paññā udapādi, vijjā udapādi, āloko udapādi.**

(ii) Tan kho pan'idan dukkhan ariyasaccan **pariññeyyan'ti me**, bhikkhave, **pubbe ananussutesu dhammesu cakkhun udapādi, ñāṇan udapādi, paññā, udapādi, vijjā udapādi, āloko udapādi.**

(iii) Tan kho pan'idam dukkhan ariyasaccan **pariññātan'ti me**, bhikkhave, **pubbe ananussutesu dhammesu cakkhun udapādi, ñāṇan udapādi, paññā udapādi, vijjā udapādi, āloko udapādi.**

5. (i) **Idan dukkhasamudayan ariyasaccan'ti me**, bhikkhave, **pubbe ananussutesu dhammesu cakkhun udapādi, ñāṇan udapādi, paññā udapādi, vijjā udapādi, āloko udapādi.**

(ii) Tan kho pan'idan dukkhasamudayan ariya saccan **pahātabban'ti me**, bhikkhave, **pubbe ananussutesu dhammesu cakkhun udapādi, ñāṇan udapādi, paññā udapādi, vijjā udapādi, āloko udapādi.**

(iii) Tan kho pan'idam dukkhasamudayan ariyasaccan **pahīnan'ti me**, bhikkhave, **pubbe ananussutesu dhammesu cakkhun udapādi, ñāṇan udapādi, paññā udapādi, vijjā udapādi, āloko udapādi.**

6. (i) **Idam dukkhanirodhan ariyasaccan'ti me**, bhikkhave, **pubbe ananussutesu dhammesu cakkhun udapādi, ñāṇan udapādi, paññā udapādi, vijjā udapādi, āloko udapādi.**

(ii) Tan kho pan'idan dukkhanirodhan ariyasaccan **sacchikātabban'ti me**, bhikkhave, **pubbe ananussutesu dhammesu cakkhun udapādi, ñāṇan udapādi, paññā udapādi, vijjā udapādi, āloko udapādi.**

(iii) Tan kho pan'idan dukkhanirodhan ariyasaccan **sacchikatan'ti me**, bhikkhave, **pubbe ananussutesu dhammesu cakkhun udapādi, ñāṇan udapādi, paññā udapādi, vijjā udapādi, āloko udapādi.**

7. (i) **Idam dukkha nirodhagāmini paṭipadā ariyasaccan'ti me**, bhikkhave, **pubbe ananussutesu dhammesu cakkhun udapādi, ñāṇan udapādi, paññā udapādi, vijjā udapādi, āloko udapādi.**

(ii) Tan kho pan'idan dukkha nirodhagāminī paṭipāda ariya saccaṃ **bhāvetabban'ti me**, bhikkhave, **pubbe ananussutesu dhammesu cakkhun udapādi**, ñāṇan udapādi, **paññā udapādi**, **vijjā udapādi**, **āloko udapādi**.

(iii) Tan kho pan'idan, dukkha nirodhagāminī paṭipadā ariyasaccaṃ **bhāvitān'ti me**, bhikkhave, **pubbe ananussutesu dhammesu cakkhun udapādi**, ñāṇan udapādi, **paññā udapādi**, **vijjā udapādi**, **āloko udapādi**.

8. Yāvakīvañ-ca me, bhikkhave, imesu chatūsu ariyasaccesu **evaṃ tiparivaṭṭan dvādasākāraṇ yathābhūtan ñāṇadassanan na suvisuddhaṃ ahosi**, **neva tāv'āhan**, **bhikkhave**, sadevake loke samārake sabrahmake sassamaṇabrāhmaṇiyā pajāya sadevamanussāya anuttaran sammā sambodhin abhisambuddho paccaññāsin.

Yato ca kho me, bhikkhave, imesu chatūsu ariyasaccesu **evaṃ tiparivaṭṭan dvādasākāraṇ yathābhūtan ñāṇadassanan suvisuddhan ahosi**, **ath'āham**, **bhikkhave**, sadevake loke samārake sabrahmaniyā pajāya sadevamanussāya anuttaran sammā sambodhin abhisambuddho paccaññāsin.

Nāṇaṇ ca pana me dassanan udapādi, akuppā me chetovimutti ayaṃantimā jāti, natthi' dāni punabbhavo'ti.

Ida ma vo ca Bhagavā. Attamanā pañcavaggiyā bhikkhū Bhagavato bhāsitaṃ abhinandun'ti.

9. Imasmiñ-ca pana veyyākaraṇasmin bhaññamāne āyasmato Koṇḍaññaassa virajan vītamalan **dhammacakkhun udapādi**—**yan kiñci samudayadhamman sabban tan nirodhadhamman'ti.**

10. Pavattite ca pana Bhagavatā dhammacakke bhummā devā sadda manussāvesun: **Etan Bhagavatā Bārāṇasiyan Isipatane Migadāye anuttaran dhammacakkan pavattitan** appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

11. Bhummanan devānan saddam sutvā **Cātummahārājikā devā** sadda manussāvesun. Etaṃ Bhagavatā Bārāṇasiyaṃ Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

Cātummahārājikanan devānan saddam sutvā **Tāvātinsā** devā sadda manussāvesun

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Tāvātinsānan devānan](#) saddam sutvā [Yāmā devā](#) sadda manussāvesun

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Yamanan devanan](#) saddam sutva [Tusitā devā](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Tusitanan devanan](#) saddam sutva [Nimmānaratī deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Nimmanratinan devanan](#) saddam sutva [Paranimmitavasavattī devā](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Paranimmitavasavattīnan devānan](#) saddam sutva [Brahma Parisajja deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Brahma Parisajjanan devanan](#) saddam sutva [Brahma Purohita deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Brahma Purohitanan devanan](#) saddam sutva [Maha Brahma deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Maha Brahmanan devanan](#) saddam sutva [Parittabha deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Parittabhanan devanan](#) saddam sutva [Appamanabha deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Appamanabhanan devanan](#) saddam sutva [Abhassara deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Abhassaranan devanan](#) saddam sutva [Paritta Subha deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Paritta Subhanan devanan](#) saddam sutva [Appamana Subha deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Appamana Subhanan devanan](#) saddam sutva [Subha kinhaka deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Subha kinhakanan devanan](#) saddam sutva [Vehappala deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Vehappalanan devanan](#) saddam sutva [Aviha deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Avihanan devanan](#) saddam sutva [Atappa deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Atappanan devanan](#) saddam sutva [Sudassa deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Sudassanan devanan](#) saddam sutva [Sudassi deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

[Sudassinan devanan](#) saddam sutva [Akanittakha deva](#) sadda manussāvesun.

Etan Bhagavatā Bārāṇasiyan Isipatane Migadāye anuttaran dhammacakkan pavattitan appativattiyan samaṇena vā brāhmaṇena vā devena vā mārena vā brahmunā vā kenaci vā lokasmin'ti.

12. Itiha tenakkhaṇena tena muhuttana yāva brahmalokā saddo abbhūggañchi. Ayañca dasasahassī lokadhātu saṅkampi sampakampi sampavedhi. Appamāṇo cā uḷāro obhāso loke pāturahosi. Atikkamma devānaṃ devānubhāvan ti.

13. Atha kho **Bhagavā udānan udānesi:— Aññāsi vata bho Kondañño, aññāsi vata bho Koṇḍañño'ti.** Iti h'idaṃ āyasmato Koṇḍaññassa Aññā Kondañño tve'va nāman aho'si'ti.

End of Dhammacakkappavattana Sutta